



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-1-40-180-2/22**

Datum: **25.05.2022. godina**

«Agencija za vodno područje rijeke Save» Sarajevo rješavajući po zahtjevu Investitora „TEHNOMARKET-PIRIĆ“ d.o.o., Čelić za izdavanje prethodne vodne saglasnosti za aktivnost ispuštanja tehnoloških otpadnih voda sa lokacije poslovnog objekta čija je djelatnost proizvodnja kupatilskog namještaja sa skladišnim, izložbenim i administrativnim dijelom u Čeliću, općina Čelić na osnovu člana 200. stav (1) Zakona o upravnom postupku («Službene novine Federacije BiH», broj 2/98, 48/99), **donosi**

RJEŠENJE

1. Odbija se zahtjev Investitora „TEHNOMARKET-PIRIĆ“ d.o.o., Čelić za izdavanje prethodne vodne saglasnosti za aktivnost ispuštanja tehnoloških otpadnih voda sa lokacije poslovnog objekta čija je djelatnost proizvodnja kupatilskog namještaja sa skladišnim, izložbenim i administrativnim dijelom u Čeliću, koji se planira graditi na zemljištu označnom kao k.č. broj: 192/1, 194, 195 i 196/3 K.O. Čelić, općina Čelić, s obzirom da nema aktivnosti za koju je propisana obaveza pribavljanja vodnih akata od strane ove Agencije.

Obrazloženje

Investitor „TEHNOMARKET-PIRIĆ“ d.o.o., Čelić se obratio ovoj Agenciji zahtjevom bez broja dana 11.04.2022. godine za izdavanje prethodne vodne saglasnosti za aktivnost ispuštanja tehnoloških otpadnih voda sa lokacije poslovnog objekta čija je djelatnost proizvodnja kupatilskog namještaja sa skladišnim, izložbenim i administrativnim dijelom u Čeliću, koji se planira graditi na zemljištu označnom kao k.č. broj: 192/1, 194, 195 i 196/3 K.O. Čelić, općina Čelić.

U provedenom postupku dostavljena je i pregledana sljedeća dokumentacija:

- Ovjerena kopija Rješenja u sudski registar subjekta upisa broj: U/I-893/00 od 16.02.2000. godine izdato od Kantonalnog suda u Tuzli;
- Ovjerena kopija Uvjerenja o poreznoj registraciji donesenog od strane Porezne uprave – Kantonalni ured Tuzla, 27.04.2006.godine;
- Ovjerena kopija zemljišnoknjižnog izvataka, broj: 13886/21, zemljišnoknjižni uložak broj: 2033 od 03.12.2021. godine izdat od Općinski sud u Tuzli;
- Ovjerena kopija katastarskog plana, razmjera 1:2500, broj plana: 5., UR broj: 05-26-436/2022-2 od 22.03.2022. godine izdato od Službe za urbanizam, stambeno-komunalne poslove, imovinsko-pravne i geodetske poslove, općina Čelić;
- Uvjerenje na osnovu planske dokumentacije broj: 05-19-127-1/22 od 28.03.2022. godine izdato od Službe za urbanizam, stambeno-komunalne poslove, imovinsko-pravne i geodetske poslove, općina Čelić;
- Dokaz o uplaćenju administrativnoj upravnoj pristojbi.
- Studija za prethodnu vodnu saglasnost za planirani poslovni objekat u krugu firme Tehnomarket-Pirić d.o.o., općina Čelić, broj: 761/2021, novembar 2021. godina urađena od strane „TZI-INŽENJERING“ d.o.o., Sarajevo.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu dokumentacije dostavljene uz zahtjev na predmetnoj lokaciji utvrđeno je sljedeće:

- Planirani poslovni objekat će se nalaziti na parcelama k.č. broj: 192/1, 194, 195 i 196/3 K.O. Čelić, općina Čelić.
- Osnovna namjena poslovnog objekta je proizvodnja kupatilskog namještaja sa skladišnim, izložbenim i administrativnim dijelom.
- Pri procesu proizvodnje kupatilskog namještaja se ne koristi tehnološka voda. Za proces lakiranja pločastih elemenata će se koristiti pogon lakirnice sa suhim postupkom filtriranja, odnosno pri procesu lakiranja neće dolaziti do ispuštanja tehnoloških otpadnih voda.
- U samom postupku rada neće nastajati tehnološke otpadne vode iz procesa rada a kako je to utvrđeno odredbama člana 3. stav (1). tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Sl. novine FBiH“, br. 26/20, 96/20).
- Također je utvrđeno da na pripadajućim prometnim površinama ne nastaju oborinske onečišćene vode kako je to utvrđeno odredbama člana 3. stav (1). tačka (s) a u vezi sa tačkom (cc) Uredbe o uvjetima ispuštanja otpadnih voda u okoliš i sisteme javne kanalizacije („Sl. novine FBiH“, br. 26/20, 96/20).
- Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, korisnik objekta dužan je da pribavi vodne akte od nadležnog organa.


Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20), odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama («Službene novine Federacije BiH», broj 70/06), u skladu s članom 200. (stav) 1 Zakona o upravnom postupku («Službene novine Federacije BiH», broj 2/98, 48/99) riješeno je kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:
Remić Dž., dipl.iur.

Po ovlaštenju
Rukovodilac sektora za zdavanje vodnih akata

Haris Ališehović, dipl.inž.građ.

Dostaviti:

- „TEHNOMARKET-PIRIĆ“ d.o.o., Čelić
Ul. Branilaca Grada 34., Čelić
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava